

PEMBERITAHU PERTANYAAN DEWAN RAKYAT

PERTANYAAN : LISAN
DARIPADA : Y.B. DATO' TAKIYUDDIN BIN HASSAN
[KOTA BHARU]
TARIKH : 10.3.2015
SOALAN :

Dato' Takiyuddin bin Hassan [Kota Bharu] minta **MENTERI PENDIDIKAN** menyatakan sejauh manakah mahasiswa dibenarkan bergiat dalam politik di bawah Akta Universiti dan Kolej Universiti (AUKU) 1975.

JAWAPAN

Tuan Yang di-Pertua,

Untuk makluman Ahli Yang Berhormat, Akta Universiti Dan Kolej Universiti (AUKU) Pindaan 2012 telah memberi peluang kepada mahasiswa yang berminat untuk bergiat dalam politik di luar kampus. Pelajar adalah bebas untuk terlibat dalam aktiviti politik di luar kampus selagi pelibatan dan aktiviti tersebut tidak bertentangan dengan mana-mana undang-undang yang berkuat kuasa.

Pelibatan pelajar di dalam aktiviti politik yang bertentangan dengan undang-undang seperti perhimpunan haram atau aktiviti politik di dalam kampus adalah dilarang sama sekali, bukan dengan tujuan untuk menyekat kebebasan pelajar politik, tetapi untuk menyelia dan mengimbangi hak tersebut agar ia tidak dieksploitasi oleh pihak-pihak

yang tidak bertanggungjawab. Ia juga bertujuan memelihara keamanan, pematuhan kepada undang-undang dan kebebasan universiti sebagai sebuah pusat penyebaran ilmu yang tidak cenderung kepada mana-mana fahaman politik.

RJM04